

Sarkina Bt Mat Saad @ Shaari

From: Unit Komunikasi Korporat
Sent: Tuesday, November 27, 2018 4:27 PM
To: UUM - All Staff; UUM - All Students
Subject: UUMJLS Jurnal Undang-Undang Pertama Malaysia Diindeks SCOPUS



Unit Komunikasi Korporat
CORPORATE COMMUNICATION UNIT
Universiti Utara Malaysia

27 NOVEMBER 2018 / 19 RABIULAWAL 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee dan Siti Norliana Noordin
Gambar oleh: Muhammad Shamsul Shafie

UUMJLS JURNAL UNDANG-UNDANG PERTAMA MALAYSIA DIINDEKS SCOPUS



UUM ONLINE: Penarafan UUM Journal of Legal Studies (UUMJLS) dalam indeks SCOPUS memberi impak besar kepada Universiti Utara Malaysia (UUM) dalam menempatkan universiti ini di persada antarabangsa.

Hakim Mahkamah Tinggi Alor Setar, Dato' Ghazali Cha yang membacakan teks ucapan Ketua Hakim Negara berkata, beliau bangga dengan kejayaan UUMJLS yang merupakan jurnal undang-undang pertama di negara ini yang diindeks SCOPUS.

Menurutnya, beliau banyak mengikuti perkembangan UUM secara lebih rapat dan melihat banyak pencapaian UUM yang membanggakan, malah setanding dengan universiti tempatan dan Antarabangsa, sekali gus membuktikan UUM komited untuk menjadi universiti terkemuka dunia khususnya dalam bidang pengurusan.

"Tidak dinafikan, penerbitan dan penulisan akademik menjadi salah satu indikator bagi pencapaian ini dan penarafan UUMJLS sebagai jurnal berindeks SCOPUS memberi impak besar kepada UUM umumnya dan Pusat Pengajian Undang-undang (SOL) khususnya dalam menempatkan institusi ini di persada antarabangsa.

"Peranan undang-undang sebagai mekanisme penting untuk merencanakan peradaban manusia perlu diabadikan dalam penulisan ilmiah yang sesuai dengan peredaran masa, justeru garapan, sokongan dan inisiatif dalam bentuk penulisan dan penerbitan adalah signifikan," katanya pada Majlis Pelancaran UUM Journal of Legal Studies (UUMJLS) di EDC Hotel & Resorts, pagi tadi.

Tambah beliau, ini adalah bagi merealisasikan keberkesanan dan percambahan nilai positif dalam akademik iaitu cetusan percambahan idea-idea lebih bertenaga.

Katanya, beliau berharap semua ahli akademik dapat memanfaatkan UUMJLS itu sebagai bahan rujukan dan menjadi pengantara untuk menyebarkan dapatan kajian atau ilmu kepada semua lapisan masyarakat sama ada dalam negara atau luar negara.

Menurutnya lagi, menerusi penulisan berkualiti itu juga dapat mendidik masyarakat tentang kepentingan undang-undang, hak dan tanggungjawab, akauntabiliti dan liabiliti dalam kehidupan seharian mereka.

Sementara itu, Pengarah UUM Press, Prof. Madya Dr. Ram Al Jaffri Saad yang membacakan teks ucapan Naib Canselor berkata, kejayaan UUMJLS menjadi jurnal undang-undang pertama di Malaysia yang tersenarai di dalam indeks SCOPUS dan dinilai oleh Malaysian Citation Index (MyCite) pada tahun 2016.

Menurutnya, UUMJLS diterbitkan SOL pada 2010 sebelum diserahkan kepada UUM Press pada 2016 bagi tujuan peningkatan kualiti pengurusan dan penerbitan.

Katanya, sebagai ahli akademik tidak mempunyai pilihan untuk tidak menjalankan amanah dengan menyampaikan risalah Islam kepada dunia sama ada dalam bentuk penerbitan ilmiah ataupun tidak.

"UUM perlu kekal tegas dalam melaksanakan visi ke arah mewujudkan modal insan yang holistik dan dinamik, malah saya berharap UUM akan terus menempa nama di persada dunia dengan mengabdikan diri dengan falsafah yang terkandung dalam moto universiti iaitu Ilmu, Budi, Bakti," katanya.

Pada majlis sama, turut diadakan penyerahan replika cek Tabung Bencana Palu, Sulawesi dan Lombok di Indonesia bernilai RM5,000 kepada wakil Majlis Perundingan Pertubuhan Islam Malaysia (MAPIM).

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.